



Lets in Ostarie:
SCAIS E LISCJIS
Adelmo Della Bianca

CE LIBRI ISAL?

Un libri nassût par la poie dal Comun di Muçane, che al cjacare da "**La pesca in acque dolci dalle origini al 1975**", che a vûl contâ in struc lis technichis e la vite dai pescjadôrs tor il territori de Basse Furlane. Il libri al è par talian, ma dentri si cjatin dutis lis peraulis furlanis che a àn a ce fâ cul pes e cu la pescje.

MA CUI ISAL L'AUTÔR?

Autôr une vore atîf, passionât di bosc, nature e pescjadôr, **Adelmo Della Bianca** al à za metût il piç intal libri "Gli Orbi de Mozana", insiemit a Renzo Casasola, par tirâ dongje fonts e informazions . Une vore brâf cu la matite in man al è ancje autôr dai dissens dentri dal libri.

MA CE ISAL DENTRI, DI PRECÎS?

Un libri che al è fat di cuatri parts. Te prime si cjate une "Sintesi storica sulla pesca locale, tecnica, attrezzatura e periodi propizi", te seconde si descrîf "L'ittiofauna d'acqua dolce e salata, crostacei e molluschi", te tierce si conte da "Il nostro pescatore e le tipologie di pesca" e ae fin, la part plui lungje e par nô di Contecurte interessante, "Ambiente, tradizioni, costumi, cucina e ricordi". Dentri si cjatin ancje **i dissens di Delmo che a son une vore biei e precîs.**

MA A CUI I PUEDIAL PLASÊ?

A ducj i pescjadôrs ma in zenerâl a cui che i plâs la nature, la storie dal om e de personis. A cui che i plâs cognossi lis tradizions e i mistîrs dal Friûl e cognossi il teritori di Muçani e dulintor, cu lis sôs aghis e bestiis. A cui che al à gust di sintî **cualchi conte di pes e di pescje.**

E SE O AI VOIE DI CJOILU?

Nol è in librerie, ma di sigure, ca di cualchi timp, lu cjatareis tes Bibliotechis o baste domandâ al Comun di Muçane.

Curiositât: Si puedin cjatâ dôs contis dal Ostîr scritis par un spettacul dai fruts des mediis di Muçane e Cjarlins, che a son cjoltis dal libri di Della Bianca: **I pes che a svolin** e **Toni, Sant Antoni e i lumins.**